



AN COIMISIÚN
EORPACH

An Bhruiséil, 28.5.2020
COM(2020) 408 final

ANNEXES 1 to 3

IARSCRÍBHINNÍ

a ghabhann le togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena mbunaítear Saoráid Téarnaimh agus Athléimneachta

IARSCRÍBHINN I

Modheolaíocht d'áireamh na ranníocaíochta uasta airgeadais (i.e. an tacaíocht airgeadais neamh-inaisíochta) in aghaidh an Bhallstáit faoin tSaoráid

Leagtar amach san iarscríbhinn seo an mhodheolaíocht d'áireamh na ranníocaíochta uasta airgeadais atá ar fáil do gach Ballstát. Cuirtear san áireamh sa mhodh:

- Daonra;
- Inbhéarta OTI per capita;
- An meánráta dífhostaíochta le cúig bliana anuas i gcomparáid le meán an Aontais (2015-2019).

Chun chomhchruinniú iomarcach acmhainní a sheachaint:

- tá uasteorainn 150% de mheán an Aontais le hinbhéarta OTI per capita
- tá uasteorainn 150% de mheán an Aontais le diall ráta dífhostaíochta tíre aonair ó mheán an Aontais
- Chun margaí saothair Ballstát níos saibhre (lena mbaineann OIN per capita atá os cionn mheán an Aontais) atá níos cobhsaí go ginearálta a chur san áireamh, tá uasteorainn 75% le diall a ráta dífhostaíochta ó mheán an Aontais.

Sainmhínítear an ranníocaíocht uasta airgeadais a dhéanann Ballstát faoin tSaoráid (MFC_i) mar a leanas:

$$MFC_i = \alpha_i \times (FS)$$

mar:

arb é FS (Tacaíocht Airgeadais) an t-imchlúdach airgeadais atá ar fáil faoin tSaoráid dá dtagraítear in Airteagal 5(1)(a); agus

arb é α_i eochair leithdháilte an Bhallstáit i , arna sainmhíniú mar:

$$\alpha_i = \frac{\frac{OTI_{meánach}^{PC} * daonra_i * D_i}{OTI_i^{PC} * daonra_{AE} * D_{AE}}}{\sum_{i=1}^{27} \frac{OTI_{meánach}^{PC} * daonra_i * D_i}{OTI_i^{PC} * daonra_{AE} * D_{AE}}},$$
$$\text{le } 1.5 \geq \frac{OTI_{meánach}^{PC}}{OTI_i^{PC}}$$

agus le $1.5 \geq D_i/D_{iAE}$ agus $0.75 \geq D_i/D_{iAE}$ le haghaidh Ballstát le $OTI_i^{PC} > 100\% * OTI_{meánach}^{PC}$

Le:

is é α_i eochair leithdháilte na tíre i

is é OTI_i^{PC} Olltáirgeacht Intíre 2019 per capita na tíre i ,

$OTI_{meánach}^{PC}$ meán ualaithe Olltáirgeacht Intíre 2019 per capita na mBallstát AE-27,

is é $daonra_i$ daonra iomlán 2019 i dtír i ,

is é $daonra_{AE}$ daonra iomlán 2019 i mBallstáit AE-27

is é D_i meánráta dífhostaíochta na tíre i thar an tréimhse 2015-2019

is é D_{AE} an meánráta dífhostaíochta thar an tréimhse 2015-2019 in AE-27

Tar éis an mhodheolaíocht sin a chur i bhfeidhm, is iad seo a leanas sciar agus méid na ranníocaíochta uasta airgeadais in aghaidh an Bhallstáit.

Ranníocaíocht uasta airgeadais in aghaidh an Bhallstáit		
	<i>Scair ina % den mhéid iomlán</i>	<i>Méid iomlán (milliún, praghsanna 2018)</i>
BE	1.56	4821
BG	1.98	6131
CZ	1.51	4678
DK	0.56	1723
DE	6.95	21545
EE	0.32	1004
IE	0.39	1209
EL	5.77	17874
ES	19.88	61618
FR	10.38	32167
HR	1.98	6125
IT	20.45	63380
CY	0.35	1082
LV	0.70	2170
LT	0.89	2766
LU	0.03	101
HU	1.98	6136
MT	0.07	226
NL	1.68	5197
AT	0.95	2950
PL	8.65	26808
PT	4.16	12905
RO	4.36	13505
SI	0.55	1693
SK	1.98	6140
FI	0.71	2196
SE	1.24	3849
Total	100.00	310000

IARSCRÍBHINN II

Treoir mheasúnaithe don tSaoráid

1. Raon feidhme

Is é is cuspóir leis na treoirlínte measúnaithe seo fónamh in éineacht leis an Rialachán seo mar bhunús don Choimisiún chun measúnú a dhéanamh - ar bhealach trédhearcach agus cóir - ar na tograí le haghaidh pleananna téarnaimh agus athléimneachta arna gcur ar aghaidh ag Ballstáit, agus chun an ranníocaíocht airgeadais a chinneadh i gcomhréir leis na cuspóirí agus le haon cheanglas ábhartha eile a leagtar síos sa Rialachán seo. Is suntasach gurb ionann na treoirlínte seo agus an bunús d'fheidhmiú na gcritéir measúnaithe agus do chinneadh na ranníocaíochta airgeadais dá dtagraítear in Airteagal 16(3) agus in Airteagal 17(3) faoi seach.

Tá na treoirlínte measúnaithe ceaptha chun:

- (a) tuilleadh treorach a thabhairt maidir leis an bpróiseas measúnaithe ar na tograí le haghaidh pleananna téarnaimh agus athléimneachta arna dtíolacadh ag na Ballstáit;
- (b) tuilleadh sonraí a thabhairt maidir leis na critéir mheasúnaithe agus foráil a dhéanamh do chóras rátála, a bhunófar d'fhonn próiseas cothrom trédhearcach a áirithiú; agus
- (c) sainiú a thabhairt ar an nasc idir an measúnú a dhéanfaidh an Coimisiún faoi na critéir mheasúnaithe agus cinneadh na ranníocaíochta airgeadais atá le leagan amach i gcinneadh an Choimisiúin i ndáil leis na pleananna téarnaimh agus athléimneachta roghnaithe.

Is uirlis atá sna treoirlínte chun measúnú a éascú a dhéanfaidh an Coimisiún ar na tograí le haghaidh-pleananna téarnaimh agus athléimneachta arna dtíolacadh ag Ballstáit, agus chun a áirithiú go dtacaíonn na pleananna téarnaimh agus athléimneachta le hathchóirithe agus le hinfheistíocht phoiblí atá ábhartha agus a bhfuil breisluach ard ag baint leo, agus cóir chothrom á háirithiú i measc na mBallstát ag an am céanna.

2. Critéir mheasúnaithe

I gcomhréir le hAirteagal 16(3), déanfaidh an Coimisiún measúnú ar thábhacht agus ar chomhleanúnachas na bpleananna téarnaimh agus athléimneachta, agus ar a rannchuidiú leis na haistrithe glasa agus digiteacha, agus cuirfidh sé san áireamh chun na críche sin na critéir seo a leanas:

- (a) cibé acu a mheastar nó nach meastar go rannchuideoidh an plean téarnaimh agus athléimneachta le haghaidh a thabhairt go héifeachtach ar dhúshláin arna n-aithint sna moltaí tírshonracha arna ndíriú ar an mBallstát lena mbaineann nó i ndoiciméid ábhartha eile arna nglacadh go hoifigiúil ag an gCoimisiún sa Seimeastar Eorpach;
- (b) cibé acu atá nó nach bhfuil bearta sa phlean a rannchuidíonn go héifeachtach leis na haistrithe glasa agus digiteacha nó le haghaidh a thabhairt ar na dúshláin a eascraíonn astu;
- (c) cibé acu a mheastar nó nach meastar go mbeidh tionchar buan ag an bplan téarnaimh agus athléimneachta ar an mBallstát lena mbaineann;
- (d) cibé acu a mheastar nó nach meastar go rannchuideoidh an plean téarnaimh agus athléimneachta go héifeachtach le neartú acmhainneachta fáis, cruthaithe post, agus athléimneachta eacnamaíche agus sóisialta an Bhallstáit, le tionchar

eacnamaíoch agus sóisialta na géarchéime a mhaolú, agus go rannchuideoidh sé leis an gcomhtháthú eacnamaíoch, sóisialta agus críochach a fheabhsú;

- (e) cibé acu is réasúnta agus inchreidte nó nach ea an réasúnú arna sholáthar ag an mBallstát maidir le méid chostais mheasta iomlána an phlean téarnaimh agus athléimneachta arna thíolacadh, agus atá nó nach bhfuil sé i gcomhréir leis an tionchar a mheastar a bheidh ar an ngeilleagar agus ar an bhfostaíocht;
- (f) cibé acu atá nó nach bhfuil bearta sa phlean téarnaimh agus athléimneachta le haghaidh cur chun feidhme athchóirithe struchtúracha agus tionscadal infheistíochta poiblí ar gníomhaíochtaí comhleanúnacha iad;
- (g) cibé acu a mheastar nó nach meastar go n-áiritheofar leis na socruithe atá beartaithe ag na Ballstáit lena mbaineann cur chun feidhme éifeachtach an phlean téarnaimh agus athléimneachta, lena n-áirítear an tráthchlár, na garspriocanna agus na spriocanna atá beartaithe, agus na táscairí gaolmhara.

Mar thoradh ar an bpróiseas measúnaithe tabharfaidh an Coimisiún rátálacha ar na pleananna téarnaimh agus athléimneachta arna dtíolacadh ag na Ballstáit, faoi gach critéar measúnaithe dá dtagraítear in Airteagal 16(3), chun measúnú a dhéanamh ar thábhacht agus ar chomhleanúnachas na bpleananna d'fhonn an leithdháileadh airgeadais a bhunú i gcomhréir le hAirteagal 17(3).

Ar mhaithe leis an tsimplíocht agus leis an éifeachtúlacht, is é raon an chórais rátála A go C, mar a leagtar amach anseo thíos:

2.1 Meastar go rannchuideoidh an phlean téarnaimh agus athléimneachta le haghaidh a thabhairt go héifeachtach ar dhúshláin arna n-aithint sna moltaí tírshonracha arna ndíriú ar an mBallstát lena mbaineann nó i ndoiciméid ábhartha eile arna nglacadh go hoifigiúil ag an gCoimisiún sa Seimeastar Eorpach.

Tabharfaidh an Coimisiún na gnéithe seo a leanas san áireamh don mheasúnú faoin gcritéar sin:

Raon feidhme

- Meastar go rannchuideoidh an phlean téarnaimh agus athléimneachta le haghaidh a thabhairt go héifeachtach ar dhúshláin arna n-aithint sna moltaí tírshonracha ábhartha, lena n-áirítear gnéithe físcacha, nó i ndoiciméid ábhartha eile arna nglacadh go hoifigiúil ag an gCoimisiún sa Seimeastar Eorpach agus arna ndíriú ar na Ballstáit lena mbaineann,

agus,

- meastar go bhfuil na dúshláin sin suntasach maidir le treisiú le hacmhainneacht fáis gheilleagar an Bhallstáit lena mbaineann,

agus,

Tar éis na n-athchóirithe agus na n-infheistíochtaí atá beartaithe a bheith tugtha chun críche, bheadh súil na dúshláin ghaolmhara a bheith fuascailte nó sáraithe ar bhealach sásúil.

agus

- Is freagairt chuimsitheach agus leordhóthanach atá sa phlean téarnaimh agus athléimneachta ar chás eacnamaíoch agus sóisialta an Bhallstáit lena mbaineann;

Rátáil

A – Rannchuidíonn an plean téarnaimh agus athléimneachta le haghaidh a thabhairt go héifeachtach ar dhúshláin arna n-aithint sna moltaí tírshonracha, nó i ndoiciméid ábhartha eile arna nglacadh go hoifigiúil ag an gCoimisiún sa Seimeastar Eorpach, agus is freagairt chuimsitheach agus leordhóthanach atá sa phlean ar chás eacnamaíoch agus sóisialta an Bhallstáit lena mbaineann.

B – Rannchuidíonn an plean téarnaimh agus athléimneachta le haghaidh a thabhairt go páirteach ar dhúshláin arna n-aithint sna moltaí tírshonracha, nó i ndoiciméid ábhartha eile arna nglacadh go hoifigiúil ag an gCoimisiún sa Seimeastar Eorpach, agus is freagairt nach leor ach go páirteach atá sa phlean ar chás eacnamaíoch agus sóisialta an Bhallstáit lena mbaineann.

C – Ní rannchuidíonn an plean téarnaimh agus athléimneachta le haghaidh a thabhairt ar dhúshláin arna n-aithint sna moltaí tírshonracha, nó i ndoiciméid ábhartha eile arna nglacadh go hoifigiúil ag an gCoimisiún sa Seimeastar Eorpach, agus ní freagairt leordhóthanach atá sa phlean ar chás eacnamaíoch agus sóisialta an Bhallstáit lena mbaineann.

2.2 Tá bearta sa phlean a rannchuidíonn go héifeachtach leis na haistrithe glasa agus digiteacha nó le haghaidh a thabhairt ar na dúshláin a eascraíonn astu.

Tabharfaidh an Coimisiún na gnéithe seo a leanas san áireamh le haghaidh an mheasúnaithe faoin gcritéar sin:

Raon feidhme

- meastar go rannchuideoidh cur chun feidhme na mbearta atá beartaithe go suntasach le córais a bhunú atá neamhdhíobhálach don chomhshaol agus don aeráid agus le hearnálacha eacnamaíocha agus sóisialta a ghlasú d'fhonn rannchuidiú leis an gcuaspóir foriomlán go mbeidh an Eoraip neodrach ó thaobh na haeráide de faoi 2050;

nó

- meastar go rannchuideoidh cur chun feidhme na mbearta atá beartaithe go suntasach le haistriú digiteach earnálacha eacnamaíocha nó sóisialta;

nó

- meastar go rannchuideoidh cur chun feidhme na mbearta atá beartaithe go suntasach le haghaidh a thabhairt ar na dúshláin a eascraíonn as na haistrithe glasa agus/nó digiteacha

agus

- meastar go mbeidh tionchar buan ag cur chun feidhme na mbearta atá beartaithe.

Rátáil

A – Meastar go láidir go mbeidh sé sin i gceist

- | |
|---|
| B – Meastar go measartha láidir go mbeidh sé sin i gceist
C – Is beag a mheastar go mbeidh sé sin i gceist |
|---|

2.3 Meastar go mbeidh tionchar buan ag an bplean téarnaimh agus athléimneachta ar an mBallstát lena mbaineann

Tabharfaidh an Coimisiún na gnéithe seo a leanas san áireamh le haghaidh an mheasúnaithe faoin gcritéar sin:

Raon feidhme

- meastar go mbeidh athrú struchtúrach ann maidir leis an riarachán nó leis na hinstitiúidí lena mbaineann mar thoradh ar chur chun feidhme na mbearta atá beartaithe;
--

nó

- meastar go mbeidh athrú struchtúrach ann maidir le beartais lena mbaineann mar thoradh ar chur chun feidhme na mbearta atá beartaithe;
--

agus

- meastar go mbeidh tionchar buan ag cur chun feidhme na mbearta atá beartaithe.
--

Rátáil

- | |
|---|
| A – Meastar go láidir go mbeidh sé sin i gceist
B – Meastar go measartha go mbeidh sé sin i gceist
C – Is beag a mheastar go mbeidh sé sin i gceist |
|---|

2.4 Meastar go rannchuideoidh an plean téarnaimh agus athléimneachta go héifeachtach le neartú acmhainneachta fáis, cruthaithe post, agus athléimneachta eacnamaíche agus sóisialta an Bhallstáit, le tionchar eacnamaíoch agus sóisialta na géarchéime a mhaolú, agus go rannchuideoidh sé leis an gcomhtháthú eacnamaíoch, sóisialta agus críochach a fheabhsú;

Tabharfaidh an Coimisiún na gnéithe seo a leanas san áireamh le haghaidh an mheasúnaithe faoin gcritéar sin:

Raon feidhme

- tá bearta sa phlean téarnaimh agus athléimneachta lena ndírítear ar aghaidh a thabhairt ar laigí i ngeilleagair na mBallstát agus ar chur le hacmhainneacht fáis gheilleagar an Bhallstáit lena mbaineann, ar chruthú post a spreagadh agus ar dhrochthionchair na géarchéime a mhaolú, agus ar a sheachaint ag an am céanna go mbeadh drochiarmhairtí i leith na haeráide agus an chomhshaoil ag na bearta céanna.

agus

- tá an plean téarnaimh agus athléimneachta dírithe ar leochaileacht gheilleagar an Bhallstáit i leith suaití a laghdú,

nó

- tá an plean téarnaimh agus athléimneachta dírithe ar acmhainneacht struchtúir eacnamaíocha agus/nó sóisialta an Bhallstáit chun dul i ngleic le suaití agus chun seasamh ina gcoinne a mhéadú agus

meastar go rannchuideoidh an plean téarnaimh agus athléimneachta leis an gcomhtháthú eacnamaíoch, sóisialta agus críochach a fheabhsú

Rátáil

A – Meastar gur tionchar ard a bheidh ar acmhainneacht fáis, ar athléimneacht eacnamaíoch agus shóisialta, agus ar an gcomhtháthú

B – Meastar gur tionchar meánach a bheidh ar acmhainneacht fáis, ar athléimneacht eacnamaíoch agus shóisialta, agus ar an gcomhtháthú

C – Meastar gur tionchar íseal a bheidh ar acmhainneacht fáis, ar athléimneacht eacnamaíoch agus shóisialta, agus ar an gcomhtháthú

2.5 An réasúnú arna sholáthar ag an mBallstát maidir le méid chostais mheasta iomlána an phlean téarnaimh agus athléimneachta arna thíolacadh, tá sé réasúnta agus inchreidte, agus tá sé i gcomhréir leis an tionchar a mheastar a bheidh ar an ngeilleagar agus ar an bhfostaíocht;

Tabharfaidh an Coimisiún na gnéithe seo a leanas san áireamh don mheasúnú faoin gcritéar sin:

Raon feidhme

- sholáthair an Ballstát faisnéis agus fianaise leordhóthanach go bhfuil méid chostas measta iomlán an phlean téarnaimh agus athléimneachta iomchuí (“réasúnta”);

agus

- sholáthair an Ballstát faisnéis agus fianaise leordhóthanach go bhfuil méid chostas measta iomlán an phlean téarnaimh agus athléimneachta de réir nádúr agus chineál na n-athchóirithe agus na n-infheistíochta atá beartaithe (“inchreidte”).

agus

- sholáthair an Ballstát faisnéis agus fianaise leordhóthanach nach bhfuil méid chostas measta iomlán an phlean téarnaimh agus athléimneachta atá le maoiniú faoin ionstraim cuimsithe le maoiniú reatha nó beartaithe an Aontais.

agus

- tá méid chostas measta iomlán an phlean téarnaimh agus athléimneachta i gcomhréir leis an tionchar ar gheilleagar an Bhallstáit lena mbaineann a mheastar a bheidh ag na bearta atá beartaithe a áirítear sa phlean.

Rátáil

A – Tá sé sin i gceist go láidir

B – Tá sé sin i gceist go measartha láidir

C – Is beag atá sé sin i gceist

2.6. Tá bearta sa phlean téarnaimh agus athléimneachta le haghaidh cur chun feidhme athchóirithe struchtúracha agus tionscadal infheistíochta poiblí ar gníomhaíochtaí comhleanúnacha iad.

Tabharfaidh an Coimisiún na gnéithe seo a leanas san áireamh le haghaidh an mheasúnaithe faoin gcritéar sin:

Raon feidhme

- tá bearta sa phlean téarnaimh agus athléimneachta a rannchuidíonn le héifeachtaí a chéile a dhaingniú.

Rátáil

A – Tá sé sin i gceist go láidir
B – Tá sé sin i gceist go measartha láidir
C – Is beag atá sé sin i gceist

2.7 Meastar go n-áiritheofar leis na socruithe atá beartaithe ag na Ballstáit lena mbaineann cur chun feidhme éifeachtach an phlean téarnaimh agus athléimneachta, lena n-áirítear an tráthchlár, na garspriocanna agus na spriocanna atá beartaithe, agus na táscairí gaolmhara

Tabharfaidh an Coimisiún na gnéithe seo a leanas san áireamh le haghaidh an mheasúnaithe faoin gcritéar sin:

Raon feidhme

- sanntar tasc do struchtúr laistigh den Bhallstát chun: (i) an plean téarnaimh agus athléimneachta a chur chun feidhme; (ii) faireachán a dhéanamh ar dhul chun cinn na ngarspriocanna agus na spriocanna; agus (iii) tuairisciú a fheidhmiú;

agus

- tá na garspriocanna agus na spriocanna atá beartaithe soiléir agus réalaíoch; tá na táscairí atá beartaithe ábhartha, inghlactha agus láidir;

agus

- na socruithe foriomlána, atá molta ag na Ballstáit ó thaobh eagrúcháin de (lena náirítear foráil chun leithdháileadh foirne leordhóthanach a áirithiú) maidir le cur chun feidhme an athchóirithe agus na hinfheistíochta, tá siad inchreidte.

Rátáil

A – Socruithe leordhóthanacha do chur chun feidhme éifeachtach
B – Socruithe íosta do chur chun feidhme éifeachtach
C – Socruithe neamhdhóthanacha do chur chun feidhme éifeachtach

3. An ranníocaíocht airgeadais faoin ionstraim bhuiséadach um théarnamh agus athléimneacht a chinneadh

I gcomhréir le hAirteagal 17(3), is é an Coimisiún a chinnfidh an ranníocaíocht airgeadais agus é ag cur san áireamh thábhacht agus chomhleanúnachas an phlean téarnaimh agus athléimneachta atá beartaithe ag an mBallstát lena mbaineann, arna measúnú faoi na critéir a leagtar amach in Airteagal 17(3). Is chun na críche sin a chuirfidh sé na critéir seo a leanas i bhfeidhm:

- (a) i gcás ina gcomhlíonann an plean téarnaimh agus athléimneachta go sásúil na critéir atá leagtha amach in Airteagal 16(3), agus ina bhfuil méid chostais mheasta iomlána an phlean téarnaimh agus athléimneachta combhionann le, nó níos airde ná, an ranníocaíocht uasta airgeadais le haghaidh an Bhallstáit sin dá dtagraítear in Airteagal 10, beidh an ranníocaíocht airgeadais uasta a leithdháiltear ar an mBallstát lena mbaineann combhionann le méid iomlán na ranníocaíochta airgeadais uasta dá dtagraítear in Airteagal 10;
- (b) i gcás ina gcomhlíonann an plean téarnaimh agus athléimneachta go sásúil na critéir atá leagtha amach in Airteagal 16(3), agus ina bhfuil méid chostais mheasta iomlána an phlean téarnaimh agus athléimneachta níos ísle ná an ranníocaíocht uasta airgeadais le haghaidh an Bhallstáit sin dá dtagraítear in Airteagal 10, beidh an ranníocaíocht airgeadais uasta a leithdháiltear ar an mBallstát lena mbaineann combhionann le méid chostais mheasta iomlána an phlean téarnaimh agus athléimneachta;
- (c) i gcás nach gcomhlíonann an plean téarnaimh agus athléimneachta go sásúil na critéir atá leagtha amach in Airteagal 16(3), ní dhéanfar aon ranníocaíocht airgeadais a leithdháileadh ar an mBallstát lena mbaineann.

Chun críocha chur chun feidhme na fomhíre seo, beidh na foirmlí seo a leanas i bhfeidhm:

- le haghaidh (a) thuas:
Más rud é go bhfuil $C^i \geq MFC^i$ gheobhaidh Ballstát i MFC^i
- le haghaidh (b) thuas:
Más rud é go bhfuil $C^i < MFC^i$ gheobhaidh Ballstát i C^i
- i gcás:
- ina dtagraíonn i don Bhallstát lena mbaineann
- arb é MFC an ranníocaíocht uasta airgeadais don Bhallstát lena mbaineann
- arb é C méid chostais mheasta iomlána an phlean téarnaimh agus athléimneachta

Mar thoradh ar an bpróiseas measúnaithe, agus ag cur san áireamh na rátálacha:

Comhlíonann an plean téarnaimh agus athléimneachta go sásúil na critéir mheasúnaithe:

Má áirítear leis an rátáil deiridh le haghaidh chritéir 2.1 go 2.7 scóir ina bhfuil:

- A le haghaidh chritéir 2.1 agus 2.2;

agus le haghaidh na gcritéar eile:

- gráid A ar fad,

nó

- gráid A den chuid is mó seachas B, agus gan C ar bith,

Ní chomhlíonann an plean téarnaimh agus athléimneachta go sásúil na critéir mheasúnaithe:

Má áirítear leis an rátáil deiridh le haghaidh chritéir 2.1 go 2.7 scóir agus:

- gan *aon* A iontu le haghaidh chritéir 2.1 agus 2.2;

agus le haghaidh na gcritéar eile:

- gráid B den chuid is mó seachas A

nó

- C amháin ar a laghad

IARSCRÍBHINN III

Táscairí

Maidir le gnóthú na gcuspoirí dá dtagraítear in Airteagal 4, déanfar sin a thomhas ar bhonn na dtáscairí seo a leanas, de réir Ballstáit agus de réir réimse na hidirghabhála.

Bainfear úsáid as na táscairí i gcomhréir leis na sonraí agus leis an bhfaisnéis atá ar fáil, lena n-áirítear sonraí cainníochtúla agus/nó cáilíochtúla.

Táscairí aschuir:

- (a) an líon pleananna téarnaimh agus athléimneachta arna bhformheas sa ghníomh cur chun feidhme ón gCoimisiún;
- (b) an ranníocaíocht fhoriomlán airgeadais arna leithdháileadh ar an bplean téarnaimh agus athléimneachta;

Táscairí toraidh:

- (c) an líon pleananna téarnaimh agus athléimneachta arna gcur chun feidhme;

Táscairí tionchair a bhunaítear leis an Rialachán seo

- (d) Na cuspóirí a leagtar amach sa phlean téarnaimh agus athléimneachta, a gnóthaíodh de bharr, inter alia, na tacaíochta foriomláine airgeadais (lena n-áirítear, i gcás inarb iomchuí, an tacaíocht iasachta) a fuarthas faoin tSaoráid Téarnaimh agus Athléimneachta a bhunaítear leis an Rialachán seo;

Déanfaidh an Coimisiún an mheastóireacht ex post dá dtagraítear in Airteagal 25 freisin, chun naisc a bhunú idir an tacaíocht fhoriomlán airgeadais (lena n-áirítear, i gcás inarb iomchuí, an tacaíocht iasachta) ón tSaoráid Téarnaimh agus Athléimneachta agus cur chun feidhme na mbeart ábhartha sa Bhallstát lena mbaineann d'fhonn téarnamh, athléimneacht, fás inbhuanaithe, poist agus comhtháthú a fheabhsú.